

朝鮮群書大系續々第八輯

東文選一

朝鮮古書刊行會

大正三年七月一日印刷
大正三年七月五日發行

會員豫約費一册金參圓
會 員 外二册賣價四圓

朝鮮古書刊行會代表者
編輯兼發行者

朝鮮京城旭町二丁目六十八番地

釋 尾 春 枋

朝鮮京城明治町一丁目日韓印刷株式會社

印 刷 者 金 崎 金 平

發 行 所 朝鮮京城旭町二丁目朝鮮雜誌社
朝鮮古書刊行會

電話一千二百五十番
振替口座京城一三二番

朝鮮京城明治町一丁目

印 刷 所 日 韓 印 刷 株 式 會 社

朝鮮京城本町二丁目

豫約並發賣取次店 日 韓 書 房

東京市神田表神保町

豫約並發賣取次店 同 文 館

東文選第一輯目錄

卷第一

辭

賦

卷第二

賦

卷第三

賦

卷第四

五言古詩

卷第五

五言古詩

卷第六

七言古詩

卷第七

七言古詩

卷第八

七言古詩

卷第九

五言律詩

卷第十

五言律詩

卷第十一

五言排律

卷第十二

七言律詩

卷第十三

七言律詩

卷第十四

七言律詩

卷第十五

東文選第一目錄

七言律詩

卷第二十三

卷第十六

詔勅

七言律詩

教書

卷第十七

卷第二十四

七言律詩

教書

卷第十八

卷第二十五

七言排律

制誥

卷第十九

己上

五言絕句

七言絕句

卷第二十

七言絕句

卷第二十一

七言絕句

卷第二十二

七言絕句

六言

東文選第一輯

東文選卷之一

辭

和歸去來辭

李仁老

歸去來兮。陶潛昔歸。吾亦歸。得隍鹿而何喜。失塞馬而奚悲。蛾赴燭而不悟。駒過隙而莫追。纔握手而相誓。未轉頭而皆非。摘殘菊以爲飧。緝破荷而爲衣。既得反於何有。誰復動於玄微。蝸舍雖窄。蟻陣爭奔。蛛絲網扇。雀羅設門。臧穀俱亡。荆凡孰存。以神爲馬。破瓠爲樽。身將老於菟裘。樂不減於商顏。遊於物而無忤。在所寓以皆安。鱗固潛於尺澤。翅豈折於天關。肯逐情而外獲。方收視以內觀。途皆觸而無礙。興苟盡則方還。鵬萬里而奚適。鷦一枝而尙寬。信解牛之悟惠。知斲輪之對桓。歸去來兮。問老聃之所遊。用必期於無用。求不過於無求。化蝶翅而猶悅。續鳧足則可憂。閱虛白於幽室。種靈丹於良疇。幻知捕影。癡謝刻舟。保不材於櫟社。安深穴於神丘。功名須待命。遲暝宜歸休。任浮雲之無迹。若枯槎之泛流。已矣乎。天地盈虛自有時。行身甘作賈胡留。遑遑接浙欲安之。風斤思郢質。流水憶鍾期。尿死灰兮奚暖。播焦穀兮何耔。第寬心於飲酒。聊遣興

於作詩望紅塵而縮頭。人心對面真九疑。

山中辭

李 穡

山之幽兮深深，鬱蕭森兮潭潭。黃鵠尙不得過其顛兮，截然屹立乎嶄巖。遂莫莫覩兮，山之陰曖霜露兮濡霑。文豹立猿兮迭出以嘯，飛禽回翔兮毛羽之翫。麇殷其雷奔于無底之竇兮，振蕩林莽翼之以飛廉。石出角以鈎衣兮，橫枝截路以相攙。立寂漠以無隣兮，悅祁招之惓惓。豈不可討兮，山之中東西冥迷兮。氣奄奄淙飛泉以瀉于崖兮，清肺腑而味甘。掬之手中兮，冰寒照衰顏以是監。爰流憩以聽其聲兮，鏘玉佩之相參。將敲火而煎茶兮，鄙陸羽之口饑。羨盤谷之可沿兮，矧其文爲我之指南。續道緒於千載兮，乃命其溪曰濂。惟山中之無偶兮，尙摠衣於丈函。聞一言以悟道兮，洗利欲之貪婪。開心源之瑩淨兮，惟太極之泳涵。若有遇於介然之頃兮，諒天地其可三。胡唐虞之遺墟，蔓草寒烟兮。吾道被于南，炎胡泓渟之而不霈兮。朔雪越嶺之交粘，信餘緒可以理天下兮。魯齋獨騁其征驂，然波及者靡不周兮。夫何恨於商參，惟後生之可畏兮。青乃出乎其藍，幸其道之揭日月兮。吾依光兮心焉甘，將忘勢而內樂兮。日嘯倚於南欄，苦相招而不止兮。忽軒眉而載瞻，款初心之弗竟兮。終歲月以聊淹。

閔志辭

閔予志之温蠖兮，非厥初之有常。慨因物以興懷兮，惟是非之失當。滌雲霧以

晝晦兮將宴息以在床。月皎皎而天淨兮。將顛倒其衣裳。夫晨夜之截然有限兮。折柳樊圃而瞿瞿之狂。胡老大而入于幽谷兮。赧一揖於陳良。爾雅蟲魚之消耗兮。匪有損其何傷。胡詩書之膏腴兮。亦憔悴而無光。悲參商兮孔孟。想髣髴兮虞唐。若可續兮卒莫可續。頽乎將戢而復揚。竟不聞兮警欬。杳不見兮羹墻。爰舒徐以視履兮。罔其旋於考祥。好色惡臭紛乎其不決兮。宜鬼域之彷徨。惟人天之大道顯而不隱兮。胡求之於渺茫。歲月荏苒以相代兮。衰老侵尋而欲僵。甘草木之同腐兮。忽驚嘆而內傷。貽好音兮春禽。送悲聲兮寒螿。諒須臾之聞耳兮。付一晒於亡羊。哀吾辭之匪足傳兮。聊澆之以羽觴。忘形骸以放浪兮。泝馮翼之玄黃。天何言兮物之形。文在茲兮聖道以彰。我辭蕪兮翳天庭。誓刪繁兮立良。

永慨辭

興言蹙口以出聲兮。人謂我其宣驕。辯之好以明道兮。人謂我其譏謔。追明良之歌以矢厥躬兮。人謂我其長謠。思鳳凰之飛于千仞兮。人謂我其難要。惟鷗鷺之壞我室兮。人謂我其相嘲。鄙塵寰之局促兮。人謂我其飄搖。隘名教之準繩兮。人謂我其逍遙。入我室以宴息兮。婦姑婢媵以膠膠。對聖賢於黃卷兮。若蠓蠓於沈寥。杳莫尋其聲影兮。覩面目之奚邀。矧微辭之及於耳兮。昧絕響於媼媯。欲出戶庭以長騁兮。先隳駢與驟。眺。悵荆棘之翳脩道兮。回予轡以無聊。

人謂我其無用兮。斯其學之殺也。人謂我其無體兮。斯其行之澆也。人謂我其素飡兮。我實甘其招也。惟立言之最末兮。兀流涕而頤交。夫脩功必因人兮。非厥幸之可徼。夫何德之不知修兮。人謂我其難料。彼昏不知兮。舍是正直。宜其冥趨而陷于淫。陷也。爾既悔兮。猶豫之如斯。宜乎人謂我其難料。千載而有人兮。想永慨於中宵。

流水辭

水之趨兮。惟下。日百折兮。不舍。不入于海兮。何科之停。盈必進兮。誰稅其駕。彼行潦之靡不源兮。尙逞威於大雨之炎夏也。勢暫似兮。旋踵。猶足夸於鄙者也。吾寧不食於井之渫兮。大虛日星之倒寫也。矧雜穢之不并兮。夫何滌而何瀉也。毋航斷港兮。恐其窒也。毋踵弱水兮。恐其溺也。迺從而亂之曰。性一兮。淑慝之胡形。才一兮。取舍之是嬰。澗泉之幽幽。江海之冥冥。我歌其中兮。鬢毛之星。千載有人兮。有耳其聆。

東方辭

送鄭達可奉使日本國

詹東方之有君兮。肇大始以自尊也。其人佩義而服仁兮。厥氣勁而詞溫也。越世道之升降兮。尙剛烈而專門也。其輕生而敢死兮。何北宮黜之足言也。傲周季之戰國兮。凜凜乎使人毛豎而驚魂也。嗟來不食兮。睚眦必報。上忘父兄兮。下忘後昆也。矧妻孥與輿臺兮。視之不啻犬豚也。蓋此身兮。漸盡。羗名譽兮。求

存也。士可殺不可辱兮。辱衣冠痛在國也。劇于民而陶俗兮。亦其宜而何責也。極而罔有不變兮。揖讓或在於旦夕也。中華衣冠之幾更制兮。我迺猶夫古昔也。舟車所至之必通兮。我迺足不踰閩也。日出處之天子兮。奄宅扶桑之域也。惟萬物之生育兮。迺谷風之習習也。惟下土之照臨兮。迺陽鳥之赫赫也。二者之所出兮。信天下之無敵也。胡群兇之竊發兮。至于今其猖獗也。播惡名於天下而既稔兮。志士仁人莫不爲東方惜也。是將動天下之兵端兮。不疑又何卜也。輔車相依兮。虞虢是監。楚國亡猿兮。禍林木也。既交聘兮。或不以情。上有神明兮。司正直也。今其權兮。有所在。子其慎兮。飲食也。少思慮兮。興居保厥躬兮。供厥職也。謇予詞兮。筆力衰。言有盡兮。意無極也。

自訟辭

汝之軀矮而陋兮。人視之若將仆也。視既短而聽又瑩兮。中人聲而左右顧也。驚鬻駭鹿之入于市兮。孰肯從而相友。雖幸聚而乍成。懽兮。條背焉而旋詬。出肺腑肉以求可兮。貌異馳而莫之遇。柔爾顏兮。甘爾言。瀉真情之繼吐。猶北轅而適楚兮。夫誰鏃而誰羽。舒憂娛悲之何所兮。豁茫茫其天宇。惟情親之乖離兮。杳暮雲而春樹。觀吾身於霄壤兮。吹毛一於牛九。疇其置齒牙閒兮。抑難知其所否。豈予德之回譎兮。予則懷其純一也。豈予行之奇邪兮。予則視其正直也。豈予言之訐詐兮。予則師其悃愾也。豈予學之鹵莽兮。予則底于其極也。豈

予政之多疵兮。予則蹈夫繩墨也。惟吾之顛頓狼狽兮。莫知主善之克一也。夫惟一之罔知協兮。禽獸之歸而何擇。宜仁人之不齒兮。罔之生也是敵。胡反觀之不蚤兮。上帝臨之而赫赫也。其循循而蹈禮兮。則不違於咫尺也。引罪辜以謝過兮。孰既往之追責。貸予褒兮。何欣。附予毀兮。何怵。雍容袍笏之班兮。不識不知而順帝之則也。

哀秋夕辭

李崇仁

哀秋夕之慘悽兮。風雨颯其晦冥。懷沉憂以假寐兮。魂怔怔其上征。指虛無以恍忽兮。若有路乎紆縈。忽焉升彼蒼兮。儼玉皇之高居。門四闢以招徠兮。孰云却步而越趨。入余跪而陳辭兮。皇爲之色敷腴。曰下土之微臣兮。心苑結猶未得信。曩余僅免襁褓兮。動必師乎古之人。惟仲尼之垂訓兮。殺身以成仁。志士不忘在溝壑兮。子輿味夫斯言。寧力不足而或斃兮。羌佩服以拳拳。忠君與愛國兮。志專專其靡佗。何時俗之險巖兮。學曲而心阿。視余猶机上鬻兮。旣鼓吻又磨牙。彼讒諛之得志兮。自借匈人國也。雖萬死余無悔兮。恐此志之不自也。時陟高以瞰遠兮。余舍此而安適。惟皇德之孔仁兮。拯余乎陸之沉。涕洟交以雨滂兮。蹇心噎而欽欽。皇愍余之深衷兮。徠爾聽我辭。所貴學之道兮。能變通而推移。日中則昃兮。月盈而虧。天道亦不可久常兮。在人事其何疑。世旣惡夫方兮。爾何惜乎爲圓。世旣尙夫白兮。爾胡獨守此玄。我哀爾之遭罹兮。亦惟爾

之故也。欲去危以就安兮，盍反爾之道也。余默退而靜思兮，皇恩之罔極也。竊不敢改余之初服兮，固長終乎窮阨。前余生之千古兮，其在後者無窮。矢余志之不迴兮，仰前脩而飭躬。世賈賈莫我知兮，庶憑辭以自通。

思美人辭

寄浙東
鄉士安

鄭夢周

思美人兮如玉，隔蒼海兮共明月。顧茫茫兮九州，豺狼當道兮龍野戰。繼余馬兮扶桑，悵何時兮與遊讌。進以禮兮退以義，搢紳笏兮戴華簪。願一見兮道余意，君何爲兮江之南。

江之水辭

鄭道傳

江之水兮悠悠，泛蘭舟兮橫中流。高管激噪兮歌聲發，賓宴譽兮獻酬。或躍兮錦鯉，飛來兮白鷗。煙沉沉兮極浦，草萋萋兮芳洲。覽時物以自娛兮，塞忘歸兮夷猶。景忽忽乎西馳兮，水泆泆兮逝不留。曾歡樂之未幾兮，隱予心兮懷憂。嗟哉盛年不再至兮，老將及兮夫焉求。軒冕兮儻來，富貴兮雲浮。惟君子所重者義兮，名萬古與千秋。舉一杯以相屬兮，庶有企兮前修。

賦

仲尼鳳賦

金富軾

仲尼乃人倫之傑，鳳鳥則羽族之王。何其名之稍異，含厥德以相將。慎行藏於

用捨之閒。如知出處。正禮樂於陵遲之後。似有文章。夫子志在春秋。道屈季孟。如非仁智之物。孰肖中和之性。相彼鳳矣。有一時瑞世之稱。此良人何。作百世爲師之聖。于以其文炳也。吾道貫之。揚德毛而出類。掀禮翼而聘時。金相玉振之嘉聲。八音逸響。河目龜文之偉表。五彩雄姿。斯乃祖述憲章。東西南北。踰躅乎仁義之藪。翻翻乎詩書之域。過宋伐樹。應嫌栖息之危。在齊聞韶。若表來儀之德。則知非形之似。惟智所宜。游於藝而不遊於霧。至於邦而不至於歧。受饒瓦甌。乃是不貪之食。興儒縫掖。那云何德之衰。蓋進退闡如。屈舒鳩彼。昇公傾蓋兮。諒以不似。伯鯉趨庭兮。堪云有子。樂稱堯舜。歸好生惡殺之時。無道桓文。遠毀卵覆巢之里。於戲巖巖德義。皓皓威儀。高尼山之岐嶷。非丹穴之棲遲。衰周之七十諸侯。鷗臬竟笑。闕里之三千子弟。烏雀相隨。小儒青氈早傳。鏤管未夢。少年攻章句之彫篆。壯齒好典謨而吟諷。鑽仰遺風。敦敦深期於附鳳。

啞鷄賦

歲崢嶸而向曠。苦晝短而夜長。豈無燈以讀書。病不能以自強。但展轉以不寐。百慮縈于寸腸。想鷄埒之在邇。早晚鼓翼以一鳴。擁寢衣而幽坐。見牕隙之微明。遽出戶以迎望。黍昂澹其西傾。呼童子而令起。乃問雞之死生。既不羞於俎豆。恐見害於狸猩。何低頭而瞑目。竟緘口而無聲。國風思其君子。嘆風雨而不已。今可鳴而反默。豈不違其天理。與夫狗知盜而不吠。猫見鼠而不追。校不才

之一揆。雖屠之而亦宜。惟聖人之教誠。以不殺而爲仁。倘有心而知感。可悔過而自新。

畏賦

李奎報

有獨觀處士。杜門端居。常若有畏。顧形而畏。顧影而畏。舉手動足。無一不畏。冲默先生。造焉問其所以。處士曰。堪輿之內。物孰無畏。戴角插牙。翼披足趨。蠕蠕蠢蠢。厥種繁熾。慳生嗇命。各讐非類。鳥畏鷹於天。魚畏獺於水。兔畏獹。狼畏兕。鹿脅于獮。蛇憊于豕。猛莫猛于虎豹。遇狻猊而奔避。何茲類之孔多兮。羌難覩縷而備記。物固然矣。人亦有焉。莫尊者君。猶畏上天。祇栗齊肅。夙夜以虔。惟君惟臣。若堂陛然。由陛及地。窳崇亦懸。卑者畏高。後者畏先。揆尺計寸。莫不畏旃。胡世路之嶮巖兮。紛理緒之倒顛。冠苴履兮在底。甄先鼎兮居前。跛驢蹠踣兮。將白蟻共軫。犖犖瞠瞠兮。與子都同筵。下慢而凌上。佞近而疎賢。鑽皮之謗日熾。射影之毒遐羶。矧予瑣屑之微質兮。跡有衆之攸寔。彼巧我拙。我一彼千。踏地生梗。皆成畏途。苟縱驅而不懼兮。殆十步而九擠。慄乎懼乎。能不畏乎。吾將介立高蹈。背耦離徒。遊乎壙垠之墟。子以爲何如。冲默先生傲然憑几而笑曰。僕則異於是。上天之威。吾不畏矣。萬乘之貴。吾不畏矣。暴客攘臂。吾不畏矣。猛虎切齒。吾不畏矣。言未既。處士愕然起曰。過矣。子之不自揆也。何談之容易哉。於皇上帝。降監善惡。設或震怒。雷霆暴作。烈風聞之。飛沙走石。盲海聳山。激薄

忽霍電刃所掣。遺光儵爚。劃若天裂。剗似地拆。擊大丁以增威。雖周成猶褫魄。皆失匕以罔圖。孰倚柱而自若。是上天之威赫赫也。子言無畏何也。先生曰。守正不欺。則天不吾威。吾何畏于茲。處士曰。金床晃晃。幄坐密勿。嚴更巡于徼道。羽林列於雙闕。參旗井鉞。出警入蹕。左憲臺兮凜鐵冠。右執法兮秉丹筆。肅肅謠謠。百辟咸秩。於是振雪霜於威怒。馳風雷於咄叱。一有不恪。族赤禍溢。是天子之威栗栗也。子亦無畏耶。先生曰。夫君尊臣卑。勢若冠屨。居下事上。趨踰中矩。望則跽脚。拜則頓首。聞命益僕。當局善守。若此則君何威爲。臣何畏有。處士曰。若夫賁育之輩。怒而狼顧。一嘵一哂。風激雲驚。白曰刺人。血流市路。餘威未滯。飛揚跋扈。目欲裂兮星迸。髮直衝兮棘豎。足踏虎兮截皮。手拉熊兮裂股。小項莊之劒舞。卑菑生之睨柱。此刺客之強暴也。子亦無畏耶。先生曰。唾面待乾。出胯俛就。虛心而行乎世。我不彼忤。彼何自怒哉。此亦無足畏也。處士曰。乳虎出穴。擇肉舐血。淬牙磨爪。其聲鎗齧。一嘯兮風生。一攫兮電瞥。不翼而飛。萬里一輟。雖馮婦之善搏。亦神喪而氣奪。此猛虎之咆勃也。子其何如。先生曰。有挾有設。此不足愕也。處士曰。然則子之所畏果何物乎。有乎。無乎。先生曰。僕亦安得而無乎。僕之所畏。不在諸物。特關於己。俯頷戴鼻。中齟外哆。一闔一闢。維門之似。物入由是。誠不可不有。而亦不可不畏之地也。銘可鑿兮金緘口。詩可觀兮垣屬耳。一語一默。榮辱所自。食其以之。而烹。伍被以之。而死。禰衡以之。而敗。

身灌夫以之而棄市。是以聖人不畏於人，唯畏於口。苟慎於其口，於行世乎何有。今處士騁舌吐辭，鋒攢屑霏，談世路之險易，議人聞之是非，誠辨則辨矣，奇而又奇。然口能覆身，言出禍隨，子以此求免於時，亦猶擊鼓而求亡者也。何其益於迅馳哉！僕竊笑處士聲其畏而實無有也，惡其禍而祇自招之。處士聞之，避席逡巡，聳然作貌曰：「小子不肖，今聞先生之教，曉然若披盲而見大曜也。」

夢悲賦

有美王孫，蟬聯茂族，邈風流之可愛兮，顏又澤腴兮如玉。出擁高蓋，入處華屋，舞如意兮碎珊瑚，會何蒂乎心曲。後房蛾眉，簪翠曳縠，爛盈盈兮更侍，琤然珠佩之相觸。目倦乎華靡，耳慣乎絲竹，冬而至於涼，不知其凝嚴；夏而至於溫，不知其暑溽。又安知人生有羈窮困躓，憂愁哀怨之屬哉。當春陽之既舒兮，感芳華之蕩意，召賓友於華堂兮，玉爲簪兮珠爲履，酌芳醕兮行金鍾，莫不濡首而霑醉。焚綠桂兮繼頽光，尙歡樂之未已，條春宵之易闌兮。落月窺窻兮嫵媚，忽體倦以神疲，遂頽然兮就寐。博山熏兮噴香炷，斗帳垂兮掩綺被，赤羽奮迅登扶桑兮，尙雷鳴而酣睡。於是恍然惚然，夢遊乎廣漠之墟，無人之地，四顧茫茫，不見阡里，深江自波，灌木叢倚，野草少色，危石如墮，日掩掩兮沉紅，煙冥冥兮疊翠，猿哀哭兮相弔，衆鳥啾啾兮不止，慘然思家欲亟還兮，迷不知兮路何自。念嬪御兮安在，掩翠衫而拭淚，登崇阿以延佇兮，鬱千峰之邈迤，披蒙茸兮尋

崎嶇。慮髮鬢之攸庇。懷奔還以降隴兮。墳壘壘兮錯峙。上有蹲狐與伏兔兮。紛侶集兮族戲。拂頽碑以俯窺兮。伊昔綺紈之公子。歌堂舞館屬何人兮。爲此一丘兮。山之趾富貴兮如浮。瓊華兮易悴。弔斯人以彷徨兮。益淒切以酸鼻。足累繭兮無攸歸。飢與渴兮交至。俄欠伸以忽寤兮。喜窓櫳之猶是。顧尙臥於一床。夫何爲此遐遊。以須臾之一夢。悟榮辱之相酬。王孫兮可以銘肌。永不忘貧賤羈離者之憂。

放蟬賦

彼黠者蛛。厥類繁滋。孰賦爾以機巧。養丸腹於網絲。有蟬見絀。其聲最悲。我不忍聞。放之使飛。傍有人兮誰氏子。仍詰予以致辭。惟茲二物。等蟲之微。蛛於子何損。蟬於子何裨。惟蟬之活。乃蛛之飢。此雖德君。彼必寃之。孰謂子智。胡放此爲。予初矚額而不答。俄吐一言。以釋疑。蛛之性貪。蟬之質清。規飽之意難盈。吸露之腸何營。以貪污而逼清。所不忍於吾情。何吐緒之至纖。雖離婁猶不容睛。矧茲蟲之不慧。豈覘視之能精。將飛過而忽睨。趨拍拍以愈嬰。彼營營之青蠅。紛逐臭而慕腥。蝶貪芳以輕狂。隨風上下以不停。雖見罹而何尤。原厥咎本乎有求。獨汝與物而無競。胡爲遭此拘囚。解爾之纏縛。囑汝以綢繆。遡喬林而好去。擇美蔭之清幽。移不可屢兮。有此網蟲之窺窬。居不可久兮。蟪蛄在後以爾謀。慎爾去就。然後無尤。